


Isu älawng kawng-a hing saite phüng

Lc32. *The Beginning and End of Jesus' Life on Earth*

Book 2

Jesus is Received by His People



Luke 19:28-48; 22:1-23, 31-34

Isu älawng kawng-a hing saite phüng

Lc32. *The Beginning and End of Jesus' Life on Earth*

Book 2

Jesus is Received by His People

Las ilustraciones de Jim Padgett son propiedad de

©Sweet Publishing (<https://sweetpublishing.com>)

y son usadas bajo la licencia

Atribución-CompartirIgual 3.0 No portada (CC BY-SA 3.0)

<https://creativecommons.org/licenses/by-sa/3.0/deed.es>

Lemi (chin)

Myanmar



<http://creativecommons.org/licenses/by-sa/4.0/>

You are free to make commercial use of this work. You may adapt and add to this work, but you may distribute the resulting work only under the same or similar license to this one. You must keep the copyright and credits for authors, illustrators, etc.

This book is an adaptation of the original, *Lc32. El inicio y el fin de la vida de Jesús en la Tierra ~*~ Libro 2 Jesús es recibido por su pueblo*, Copyright © 2024, WPS. Licensed under CC BY-SA 4.0.

Texto en español (Versión Biblia Libre)





usado bajo licencia CC BY-SA 4.0 (<https://ebible.org/spavbl>)

© 2018-2020 Jonathan Gallagher y Shelly Barrios de Avila

Texto en inglés de WEB (World English Bible)

(<https://ebible.org/web/>)

Dominio público







Isu lä Jerusalem-a kung hethang aerü pa


Luka 19:28-48

Isu lä mätae te lo thui pyng-a Jerusalem märü-
a ly ngaisai pa vi dy.






Olive kung na awng saite me anhung teng üng Bephake hai Bethani vang na kaenai-a Isu tyng ea lä äkähui lawng netä bung ka pa dy. Isu lä änini tea “Nang ni lä ämaw üng vang-a ly hawi ba. Ho-a nang ni kung dylä cäphö kânawkhing käsa cäpi mäkhing te metä bung nung hawi ai mang. Honi cäphö lä ämi la aedang vai te y vi rawng. Honi cäphö üng ruinawng sö kha hi-a nähai hawi ba.




Khimi lawng lawngtä ma ‘Ätephüng-a nang ni lä
cäphö ruinawng sö hawi te mei’ näkha düng dylä,
honi cäphö bung ‘Areng ma aely ngai te vi’ näkha
thui pa hawi ba” näkha täru ea mätaw pa dy.



Tukha änini la ly hawi kha Isu ma thui saite
kätyng lä nung hawi khaw pa vi dy. Änini ma cäphö
känawkhing käsa caw bung sö hawi sälö tea lä,
honi ingkung na ma “Äte sa hethang cäphö
känawkhing käsa bung sö hawi te vi mei” näkha
düng pa. Änini ma “Areng aely ngai te vi” näkha
näpa hawi dy.




Änini lä honi cäphö kănawkhing kăsa bung Isu
tea năhai hawi dy. Tukha äni ce lä cäphö qawng-a
kă-o na khu hawi kha Isu aedang hethang
säbawng pa ö dy.




Isu lä cäphö kănawkhing kăsa caw tea aedang kha Jerusalem mang-a ly sälö ea khimi ce lä äma ce üng kă-o na lolang qawng-a mädai ö prei pa vi dy. Isu lä Olive kung na awng saite me anghung mang Jerusalem-a ly kăthu te lolang mityng-a tyng te kätü-a lä, äkăhui angxynlyng na lä kawng kha Săthaw tea ätüng käleng na hai bälaw ö pa vi. Isu sa saite cangxei te na äni ce lä nung ö vi dy.




Tukätephüng-a äni ce lä “Areng üng ämüng hai
ly saite sanphrang tea Säthaw ma tähang kähawi
py sy. Känipre-a lä awngneng te awng sy.
Aesangky saite Säthaw üng phung-ang la leng sy”
näkha ätüng kaesa hai thui ö dy.



Khimipui na thung üng Pharisai phütä na ma
Isu tea “Särae ä, nang üng äkähui na tea pring la
by” näpa.



Tungaila Isu ma äni ce tea “Tängai ö. Äni ce
ma sitäri-a awng dylä, kälung na ma bälaw ö vi ai”
näkha mäthang pa.



Isu lä Jerusalem khimi ce tähang minaw tui aeqa hai pa

Isu lä Jerusalem hai kaenai-a tyng kha märü bung nung haw te kätü-a, honi märü tähang bälungsi kha minaw tui aeqa pa dy. Tukha äni ma “Jerusalem khimi ce ä, nang ce hai Säthaw säla-a aede saite vaihi nang ce mäny ea kha lä hawi ai. Tungaila nang ce lä kai bung e te phüng-a Säthaw lä nang ce tea mäny hai y, nung hai ö y dy.




Täre na ma nang ce üng märü tea täphra
hethang säveng ö vi ai. Äni ce lä nang ce tho haw y
rung khytä sävengmy ö vi ai. Äni ce lä nang ce
märü hai nang ce angxynlyng na tea täphra ö vi ai.
Kälung pheï haetä qawng-a haetä aeqynlyng kha
awng he y lyng. Ätephüng-a mei nädylä nang ce
ma tea aeqang hethang Säthaw ly te kätü tea nang
ce lä dawngcang ö y te phüng-a vi” näpa.



Säthaw üng Ingkäcai-a Isu kung pa

Tupyng-a Isu lä Säthaw Ingkäcai thung-a kung kha vyngjaw saite khimi na tea mätho pa vi dy. Isu ma äni ce tea “Caekäcai-a tärrü te lä, Kai üng ing lä aetang nae ing kae vi. Tungaila nang ce lä hini ing tea damarae ce üng täbö tärawng-a bälawng ö lae dai vi ly” näpa.



Isu lä khimi ce tea käni qütä Sāthaw Ingkācai-a älo mätu pa vi dy. Tungaila mäthykung käleng na hai Ubädi särae na hai, khimipui thung üng mätawngky na ma lä Isu bung bädü hethang älang ha ö pa vi. Tungaila äni ce lä hokä sa hethang älang haetä la dang haw pa ö y vi. Ätephüng-a mei nädylä khimipui na lä, äni üng lo kähawi-a tängai ö pa te phüng-a vi.



Isu bung a hethang Judae lä ngai

Cäqengja te paw i näsaite aepae saite aesi qa y
te täkaw paw i kätü lä aenai vi dy. Tukha
mäthykung käleng na hai Ubädi särae na lä
khimipui na tea ri te phüng-a Isu bung kangru-a
bädü hethang älang ha ö dy.



Honi kätü-a äkähui lawng hawlai netä na thung üng Iskriota näsaite Judae tea lä Setan angra ma kung pa vi dy. Tukha Judae lä mäthykung käleng na hai ingkäcai rui saite mätawngky na tea ly kha Isu bung makä sa kha ne ai mei näte phüng äni ce hai aedüng ö dy.



Äni ce lä kawngphi te hai Judae tea tangkae py
hethang älo aedo ö vi dy. Äni lä bälung aedü te hai
khimi cing sa te kätü-a Isu bung äni ce kö thung-a
a hethang älang kähawi mäqang pa dy.



Isu hai äkähui na lä Cäqengja te Pawi tähang aerü ö

Cäqengja te pawi näsaite täkaw aepae saite aesi qa y te pawi tähang beram caw hai löci aesa he käni lä tyng pa vi dy. Isu ma Peterae ni Johan tea “Nang ni ly hawi kha Cäqengja te pawi üng kädüngbö mä-ai ca hethang aerü rüng hawi lawi ba” näkha mätaw pa. Änini ma Isu tea “Nang lä kai ni bung ma-a aerü rüng hethang ngai hai te vi mei” näkha düng pa hawi dy.




Isu ma “Nang ni märü thung-a kung hawi te kätü-a lä tui awikaw aepö saite khimi lawngtä hai aeting hawi ai mang. Äni leithung hui kha äni kung saite ing-a phai kung hawi jo ba. Tukha ingkung tea ‘Särae ma, “Kai üng äkähui na hai mangtä Cäqengja te paw-a kädüngbö ca hethang mityng lä ma-a mei nä vi” näkha düng ba’ näpa. Äni lä äqawng üng böloka na hai awng rüng saite teithung käleng haetä nang ni tea mätü ai mang. Honi mityng-a mä-ai kädüngbö ca hethang aerü hawi rüng ba ä” näpa.




Änini lä ly hawi kha äma ni tea Isu ma thui te
kätyng nung hawi khaw vi dy. Tukha änini lä
Cäqengja te pawü üng kädüngbö tähang aerü rüng
hawi pa dy.




Honi kätü tyng ea lä Isu hai äma üng
angtawtha na lä bö aw ö dy. Tukha Isu ma äni ce
tea “Mätang bälai ca te kai aeting y käläng-a nang
ce hai mangtä hini Cäqengja te Pawi üng kädüngbö
ca hethang kai lä tengxyng y ngaiphi vi dy. Tängai
ö. Hini Cäqengja te Pawi üng kädüngbö lä Säthaw
üng pre-a cungrü te kätü-a ni kai lä ca haile tyng
vi ai” näpa.



Tudylä Isu lä bynglyng la ea Säthaw tea kawng te lo thui khüng te hai “Hini bynglyng la ea nang ce angxynlyng na nei ö. Tängai ö. Säthaw üng pre tyng pyng ea ni kai lä hini Cäpje tui nei haile tyng vi ai” näpa.



Tupyng-a Isu lä täkaw la ea Säthaw tea kawng te lo thui khüng dylä täkaw bung täpe ba kha äni ce tea py pa dy. Hikä äni ma “Hini täkaw lä nang ce tähang py saite kai üng ätabung vi. Kai tea aedawng haile tyng hethang hini kätyng ca ö jawjaw ba” näpa.



Hini kätyng kädüngbö ca pyng ea lä Isu ma bynglyng la kha äni ce tea “Hini bynglyng thung-a awng saite cäpje tui lä nang ce tähang bälawng saite kai üng äthi vi. Hini kai üng thi lä Säthaw hai khimi ce säla-a awng kha älo aenai saite kangthae üng kamarae vi.



“Tungaila täre na üng kö thung-a kai bung a hethang khimi lä kai hai hini loka-a bö mangtä ca vi dy. Kai, Khimi üng Cäpaw, lä thui rüng te kätyng ly vi ai. Tungaila kai bung täre na kö thung-a a saite khimi lä tähang si” näpa.

Äkähui na lä “Mä-ai thung üng ämi ta lä honi kä sa ai mei” näkha äma ce tingtawi aedüng ö vi dy.



Peterae lä aephae ai näte phüing Isu ma thui rüng pa

“Simon, Simon, caw aelai te kätyng nang ce tea käny hethang Setan angra lä Säthaw tea mäkai pyng te vi dy. Tungaila nang üng yng saite pra y hethang kai lä aetang pa dy. Kai tea nang ae-y haile te kätü-a lä nang ma ce üng kangby jä-ai na tea aethaw py haile tyng pa jo” näpa.



Tungaila Peterae ma Isu tea “Areng ä, kai lä nang hai mangtä thawng thung-a läsy, dü tea läsy ly hethang awng rüing te vi dy” näpa.



Isu ma “Peterae ä, tängai khü. Nang lä
vaikhawng kädang aekhawng y te käläng-a ‘Hini
khimi bung kai mäny y’ näkha qengthungtä kai tea
aephae vi ai” näpa.

